



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cursus Theologiæ Polemicæ Universæ

Pichler, Vitus

Augustæ Vindelicorum, Anno MDCCXIII.

Art. IV. De Peccatis.

urn:nbn:de:hbz:466:1-39374

ARTICULUS IV.

De Peccatis.

SUMMARIUM.

38. *Peccatum in genere quid? Habitualē quid?*
39. *Quid actualē Personale?*
40. *Quid Lutherani doceant de Concupiscentia & primis ejus motibus.*
41. *Quo sensu juxta ipsos datur peccatum mortale & veniale.*
42. *Concupiscentia & primi ejus motus non sunt peccatum.*
43. *Quidquid obganniant Adversarij.*
44. *Dantur quoque aliqua peccata, ex genere & natura sua venialia, seu ex se non dissolventia Amicitiam cum Deo.*
45. *Neque veniale peccatum differt à mortali per extrinsecam conditionem persona peccantis.*
46. *Quo sensu S. Paulus Concupiscentiam vocet peccatum.*
47. *Quo sensu primi Concupiscentiae motus sint difformes Legi.*
48. *Per hoc, quod omne peccatum debat esse voluntarium & liberum, non tollitur peccatum ignorantis,*
49. *Quomodo occurrentum textibus Scriptura, quibus probare nuntiat, omne peccatum ex natura sua esse mortale.*
50. *Quomodo argumentis, ex ratione petitis.*
51. *Quid sit peccatum Originale.*
52. *Quid de illo sentiant Lutherani.*
53. *Status questionis gemine.*
54. *Peccatum Originale nec partliter consistit in Concupiscentia.*
55. *Illudque vere & omnino tollitur per Baptismum.*
56. *Uli & peccata Personalia quoad culpam, quando homo per Panitentiam iustificatur.*
57. *Nec peccata solummodo teguntur meritis Christi.*
58. *S. Paulus & S. Augustinus Concupiscentiam vocant peccatum impropriè tantum & Tropicè.*
59. *Quomodo intelligenda Scriptura, auctus ait, peccata tegi, non impunari,*

38. *P*er peccatum propriæ dictum & in genere intelligitur voluntarius defectus circa actionem moralem, vel omissionem illius, naturam intellectualem faciens D^O dispergitum, & rea-

sum alicuius pane inducens. Unde in quolibet peccato reperiuntur duo, nempe reatus culpa & reatus pane. Hæc notio peccati præscindit à peccato Personalis, & Originali, de quo utroque

que hic agendum, eò quod Justificatio
sit transitus de statu peccari (vel Per-
sonalis , vel Originalis) ad statum gra-
tiae . Personale duplex est , Actuale &
Habituale , quod posterius nihil est a-
liud quam actuale physicè præteritum ,
et moraliter autem adhuc perseverans ,

§. I.

De Peccato Personalis.

Sciendura 1. Peccatum personale
est actuale ex S. Augustino sic defini-
ritur: *dilectum, factum, vel concupitum
contra Legem eternam.* Quia definitio
complectitur peccatum tam commissio-
nis quam omissionis; quod enim dicitur
de actu contra Legem Dei positum,
intelligitur etiam de actu contra Legem
Dei omisso. Recipitur etiam à Lu-
theranis; quamvis peccatum juxta ri-
gorem melius definiri possit *libera vi-
olatio Legis Divinae*: quod enim vo-
luntarium & liberum non est , pec-
catum non est ; cum nobis imputari
non possit, quod nostrum, seu in po-
testate nostra non est. De hoc pec-
cato præcipue duplex nobis cum no-
stris Sectarijs controversia est. 1. An
Concupiscentia, quæ ex peccato origi-
nali relikt hominem ad peccandum in-
clinat, item primi illius motus, sint ve-
rè & propriè dictum peccatum, quam-
vis renatis non imputetur. 2. An de-
tut aliquod peccatum veniale ex natu-
ra & genere suo, an vero omnia pec-
cata sunt mortalia per se & ex natura
sua , quamvis in renatis (ut volunt
Lutherani) vel Prædestinatis (ut volunt
R. P. Pichler Theol. Polemica;

Calvinistæ) ex Misericordia Divina pro-
pter Christum non imputentur. Pos-
set moveri etiam tertia quaestio , an
Deus sit causa per se seu auctor pecca-
ti ; quia id ex principijs Adversariorum
& quidem Calvinistarum satis aperte
sequitur. Verum quia ex modernis
non facile, quod scio , invenies tam
scelerum , ut contra omnem rationem
& propriam conscientiam reclamantem
non exhorreseat blasphemia vox Deum
peccati auctorem dicere ; ideo illâ su-
perledeo.

Sc. 2. Circa Concupiscentiam & pri-
mos ejus motus Lutherani, nomina-
tim Gerardus in LL. Theol. de peccatis
actualibus , & cum eo M. Lomer p.
191. &c. sennert fortgeschritten Abfer-
tigung docent sequentia. 1. & prin-
cipaliter , tam concupiscentiam post
Baptismum reliquam (per quam intel-
ligitur passio vehementis partis sensitivæ
inclinans in amore in boni delectabilis)
ut & primos ejus motus, rationem e-
tiam preventes, involuntarios , &
indeliberatos verè peccatum esse, quam-
vis renatis non imputetur , vel potius
umbraculo meritorum Christi tegatur,

Hhh 2

188

ita ut non constituat eos actu reos coram Deo & morti aeternæ obnoxios.
2. In non-renatis vero peccatum imputari, eosque per ejusmodi concupiscentie motus, etiam inscienter, in somno, in pueritia, in amentia contingentes peccare coram Deo, & mereri penam aeternam. 3. Hos motus, etiamsi liberè non habeantur, tamen esse aliquo modo voluntarios, & cum aliquo consensu contingere, tum quia oriuntur ex voluntate per peccatum corrupta, tum quia sunt in voluntate tanquam in subiecto, tum quia fiunt cum aliqua delectatione.

¶ 1. Sc. 3. Quamvis Lutherani discrimen faciant inter peccatum mortale & veniale, longè tamen alio modo illud accipiunt, quam nos. Nam ipsi, ut Gerardus & Lomer explicant, peccatum veniale, scilicet vel ex parvitate materia (ut juxta nos est furtum unius crucigeri v. g. verbum otiosum, parva indignatio &c.) vel ex imperfectione operis ob defecatum plena advertentia, vel ex objecto &c. nullum admittunt, sed dicunt, omnia peccata ex sua natura & genere suo esse peccata mortalia, hoc est, digna aeternō suppliciō; aliqua tamen ratione personae delinquentis fieri venialia, hoc est, venia digna ex Divina Misericordia, propter Christum Mediatorem ea non imputante certis peccatoribus. Sed in his requiritur duplex conditio. 1. Debent esse renati, seu baptizati, vel conversi. 2. Lapsus debet contingere ex infirmitate, ignorantia, prævalente prava concupiscentia, sine perfecta advertentia & consensu &c. si peccator de illo doleat,

& merito Mediatores Christi regi petat & credit &c. crucifigens carnem cum concupiscentijs &c. Unde dicunt, omnia peccata infidelium, seu non renatorum, esse peccata mortalia, & imputari: item omnia peccata renatorum, quæ fiunt scienter, meditato, cum complacentia, advertentia, & consensu, & de quibus, etiamfi cognoscantur, nullus concipitur dolor &c. sunt juxta ipsos peccata mortalia, id est, imputantur a Deo, excutiunt fidem & Spiritum S. priuant gratiam & vitam aeternam, verbō, renatos faciunt similes non renatis & infidelibus. Ita Lutherani. Contra

Dicendum 1. Concupiscentia, & primi eius motus, rationem prevenientes, non sunt peccatum. De Concupiscentia, ut actu inclinat ad peccatum, debet esse sermo; nam prout quasi quietit, juxta Lutheranos est peccatum originale, de quo postea. Nunc quoad utrumque membrum simul

Probatur assertio omisis alijs unicō, sed invictō argumentō. Nemo potest peccare per id, quod non est in libera ejus potestate, ut illud faciat vel omitat: sed concupiscentia & primi illius motus non sunt in libera hominis potestate, sive is renatus, sive non-renatus sit: ergo per concupiscentiam & primos illius motus peccare non potest. Min. est in hypothesi, & in confesso apud Adversarios. M. quamvis sit evidens lumine naturali, probatur tamen, vel potius declaratur 1. Ex communi hominum sensu, qui omnes judicant, se esse inculpabiles, adeoque non peccare in eo, quod in iporum potestate non

non est : sic nemo agnoscit culpam , si blasphemet in somno , si cadens subito per scalas alterum dejiciat & occidat &c.
2. Si peccari posset per id , quod in aliquo potestate non est , peccare poterit etiam brutum , v. g. equus , quia habet concupiscentiam , & concupiscentiae motus , quia fuit , calcitrat , appetit & rapit pabulum alienum , imò occidit subinde . **3.** Peccare poterit puer , amens , dormiens &c. quod etiam Adversarij admittant , dicendo , motus concupiscentiae etiam in his esse peccatum per se mortale , prorsus tamen incredibile & evidenter falsum videtur ex lumine naturali & congenita omnibus persuasione .

43. Dices , adesse aliquem consensum i quia hi motus fiunt cum aliqua delectatione ; adeoque voluntarij sunt , & liberi saltē à coactione . **2.** Quia sunt in voluntate tanquam in subjecto : motus autem in equo non sunt in voluntate , quā carent bruta : ergo non est paritas cum brutis . **3.** Quia procedunt ex perverbia & corrupra voluntate , & quidem corrupta ex hominis culpa per peccatum originale . R. N. assertum . Ad 1. prob. ergo etiam motus in equo sunt voluntarij & liberi , adeoque peccaminosi , quia oriuntur sine coactione , & cum aliqua delectatione . Voluntarium (multò minus liberum , quod voluntario superaddit indifferentiam voluntatis ad utrumlibet ex oportunitati prævia , quia nihil volitum nisi precongitum juxta receptum axioma . Motus autem primi concupiscentie preverunt cognitionem : ergo tollunt voluntarium , & à fortiori liberam electionem . *Nn nocet sensus , ubi non est consensus* , ait communis parsimia inter doctos . Ad 2. N. 1. membrum ; nam concupiscentia non est in voluntate , sed est in inferiore homine , scilicet in homine sensitivo , qui subinde sumitur pro ipsa appetitu sensitivo , in quo sunt ejusmodi motus . Appetitus autem sensitivus , sicut non est praeditus libertate , ita nec est capax peccati aut virtutis , aut ullius legis præcipientis vel prohibentis , quia non cognoscit rationem honesti vel dishonesti . Neque Appetitus sensitivo dictum est : non concupisces , sed appetui rationali , seu voluntati formaliter libera . Deinde etiam concupiscentia , & ejus motus primi essent in voluntate tanquam subjecto , per hoc tamen non fierent peccaminosi , nisi in eos consentiat liberè voluntas , & quidem libertate indifferentiae ; nam libertatem à coactione non sufficere , alibi demonstratum est . Ad 3. N. assertum , sed oriuntur ab ipsa natura naturaliter ; nam concupiscentia est homini naturalis , atque in eodem suisset etiam in statu puræ nature , quamvis non ita rebellis , sicut nunc est post peccatum , proper quod faciemur hominem suisse spoliatum gratuitis , & vulneratum in naturalibus , ita ut nunc intellectus sit infirmior , voluntas ad malum proclivior , & concupiscentia petulantior : libertas indifferentiae tamen ipsi adempta non est , sine qua repugnat peccare .

Confirmatur ex SS. PP. Aug. I. 2. de Gen. c. 14. ait : *Si ratio communis cupiditatem refranat , non habimur in peccatum , sed coronamus . Si autem*

Hhh 3

44-

ratio consentiat, peccatum imputatur.
Legatur etiam ejusdem liber. i. c. 13.
contra duas epp. Pelag. ubi inter alia sic
dit: *Concupiscentia vocatur peccatum,
non utique quia peccatum est, sed quia
peccato facta est, sic vocatur: sicut
scriptura manus cuiusque dicitur,
quod manus eam fecerit.* S. Chrysost.
hom. 13. in c. 7. Rom. dicit: *Neque ca-
ro peccatum est, hoc est, carnis vitiosi-
tas seu concupiscentia.*

44. Dicendum 1. Quædam peccata
sunt venialia ex natura sua & genere
suo. Hoc est, non omnia peccata ex
se sunt talis naturæ, ut dissolvant ami-
ciam cum DEO, & æternæ mortis ac
gehennæ supplicium mereantur; sed ali-
qua stare possunt cum justitia seu ami-
cita Divina, & temporalem tantum pa-
ram merentur.

Probatur 1. ex Scriptura S. septies ca-
dit *justus*. Prov. 24. ergo dantur pec-
cata, cum quibus stat iustitia. *In mul-
tis offendimus omnes.* Jac. 3. ergo
dantur DEI offendæ, qua etiam com-
mittuntur à iustis & DEI amicis. Et
Christus Mat. 5. assert triplex peccatum
iracundæ, & tertium duntaxat
dignum gehennæ pronuntiat: ergo dantur
aliquæ peccata ex natura sua talia,
qua non merentur penam æternam.
Nam proflus nulla sit differentia, an à
fidelibus & prædestinatis committantur;
vel ab infidelibus & non prædestinatis.
Adde verba S. Joan. 1. ep. c. 5. *Qui
scit fratrem suum peccare peccatum
non ad mortem, petat, & dabitur ei
vita peccanti non ad mortem.*

Prob. 2. ex ratione. Non quælibet
offensa inter homines est talis ex natu-

ra sua, ut dissolvat amiciam; & omnis
syncera amicitia videtur exigere, ut non
dissolvatur per quascunq; leves offendæ.
unculas moraliter inevitabilis: ergo nec
amicitia inter DEUM & hominem debet
dissolvi per quascunque leves offendæ.
unculas, præterim cum Deus sit optimus
amicus, & sciat, amicitiam exigere, ut non
dissolvatur per quamlibet offendæ
leven moraliter inevitabilem: sed Deus
scit, omnem offendæ leven ab ho-
mine moraliter esse inevitabilem: ergo
ad ipsum tanquam amicum spectat,
non omne peccatum, in re levi vel sine
perfecto consensu commissum, prohibe-
re sub amissione amicitiae & reatu pa-
næ æternæ: ergo sunt aliqua precepta
DEI, tantum sub peccato levi obligan-
tia. Nam leve & veniale peccatum su-
mimus pro eodem. Sed ne locus sit
ulli exceptioni,

Dicendum 3. Differentia peccati ve- 41.
nialis à mortali non est ab extrinseca
conditione personæ peccantis. Prob. 1.
negativæ, quia nulla dicit Scriptura, nul-
la probat ratio, quod homo renatus, vel
prædestinatus, minus peccet per opera
de se æqualia, quam non-renatus, non-
conversus, non prædestinatus: immo tam
Scriptura quam ratio suadet oppositum:
*Si inimicus meus maledixisset mihi,
sustinuisset utique: tu vero homo una-
nimis, & non mens &c.* Psal. 14. v.
13. *Qui cognovit voluntatem Domini
nisi, & non fecit. vapulabat multis.*
Luc. 12. Utique autem infidelis minus
cognoscit, quam fidelis. Et quis est,
qui non gravius sentiat injuriam (ex ob-
jecto quidem æqualem) à noto, quam
ab extranco sibi irrogatam?

Pro-

Probatur 2. ex absurdis sequelis.
Nam sequitur 1. Judæos, Turcas, &c reliquos infideles (imò & Lutheranos, postquam peccarunt etiam in re levissima cum consensu & perfecta advertentia) committere mera peccata mortalia, eaque imputari, adcōque per quodlibet verbum otiosum, vanam gloriolam, levem impatiatiam, officiosum mendaciolum, modicam in orando distractionem, & quidem juxta superius dicta, etiam si haec non committant scienter & liberè &c. mereri mortem & pñnam æternam in gehenna. Quod, quamvis Sectarij admittant, quām tamen absurdum sit, nemo est, qui non videat, qui excusat non est. 2. Econtra libidines, adulteria &c. ex infirmitate & vehementia concupiscentia ab homine renato, justo, vel prædestinato commissa, esse tantum venialia peccata, à Deo non imputari, nec inferni pñnam promereri. 3. Deum posse imputare aliquod peccatum uni & non alteri, licet par sit utriusque culpa, aut etiam major in illo, cui non imputat, ibi enim est major culpa, ubi est major cognitio boni offensi: atqui fidelis majorē ordinariē habet cognitionem Dei, qui offendit. Rectius itaque dicitur, Deum aliquod peccatum non imputare ad mortem, quia in se mortale non est, sed veniale tantum, quam peccatum esse veniale, quia Deus non imputat. Deus enim ut justus Iudex debet imputare peccatum taliter, qualiter exigit ipsum peccatum. Id quod ipse Gerardus agnoscere videtur alibi, nempe dum tit. de lib. arb. §. 63. dicit: *non imputari ad reatum*

damnationis non tollit ipsum formale
peccati, quasi definit esse in se, & ex
se peccatum, quia non impuretur.
Ob. 1. S. Paulus ad Rom. c. 6. &c. 7. 46.
Concupiscentiam vocat *peccatum*. Idem facit S. Aug. Item ab eodem Paulo Concupiscentia dicitur *malum*, odio habendum crucifigendum &c. *Lex bellum gerens adversus legem Dei* &c. ergo. &c. Concupiscentia dicitur *peccatum*, *bellum* &c. causaliter, hoc est, quia inclinat ad malum, & causat peccatum accidente consensu voluntatis; non vero formaliter. Ferè sicut speciola sc̄mina, quantumvis caſta, per formam suā aliciens ad peccatum, formaliter peccatum non est. Vel sicut vitulus aureus Deut. 9. v. 21. dicitur *peccatum*, sed impropiè tantum & per Metonymiam, quia fuit aliquo modo causa idolatriæ: ita Concupiscentia impropiè & Metonymiè potest dici peccatum, partim quia alicet ad peccatum, partim quia orta est ex peccato originali. Formale peccati primum habetur per consensum voluntatis. *Lex repugnans Legi Dei* vocatur etenim, quatenus materialiter & objectivè adveratur Legi Dei, sicut diabolus tentans, non vero etenim, quia ipsa formaliter & moraliter adversetur. Unde etiam motus concupiscentiae non formaliter & moraliter, sed solum materialiter mali dicī possunt secluso consensu. Quin ipse Paulus legem, *non concupisces*, ad voluntatem refert, non ad appetitum, dum Rom. 7. v. 16. dicit: *Si autem, quod nolo, facio, consentio Legi*. Id est, licet sensus concupiscat & mihi adversetur, si tamen ego nolo, & consentum non presto.

ad-

adhuc legem observo. Quid sentiat
6. Aug. videbimus §. sequente Object.
1. & 2.

Dices 1. Scriptura debet accipi in
sensu proprio, nisi evidenter probetur
contrarium. R. hic non posse accipi
in sensu proprio, evidenter probatur
ex eo, quia peccatum formale implicat
sine libero voluntatis consensu. Dein
Scriptura dicit, peccata proprie dicta tolli
in justificatione: cur igitur Adversarij
dicunt ea tantum regi? Veligit Con-
cupiscentia debet omnino tolli per Ba-
ptismum & Pœnitentiam, vel propriè
peccatum non est: quod utrumque est
contra Adversarios, immo utrumque ad-
mitti debet.

47. Dices 2. Peccatum propriè dictum
à S. Joanne ep. 1. c. 3. definitur esse
aropus, seu aberratio à Lege, deformi-
tas, & pugna cum Lege DEI: atqui
concupiscentia & primi ejus motus sunt
aropus & aberratio: quia pugnat cum
Lege DEI: ergo. R. D. m. sunt aber-
ratio à tali Lege, cuius prævaricatio pro-
priè peccatum non est, nisi forte pecca-
tum naturæ, non moris. C. m. cuius
prævaricatio est propriè peccatum. N.
m. Lex, contra quam pugnat concu-
piscentia rebellis & difficultas voluntatis,
est ipsa institutio naturæ in statu ori-
ginialis justitiae, que non est in potestate
hominis; cum in potestate hominis
nunc non sit habere naturam cum vel
sine rebellione concupiscentiae & se-
quentibus inde motibus; qui proinde
peccatum non sunt, nisi naturæ, quia
non sunt contra Legem obligantem;
non enim DEUS habere nos iussit nunc
talem naturam, quæ sit sine concupi-

scentia, sed solum iussit non conser-
tere. Vel dic brevius: est aberratio à
Lege materialis, transeat. Formalis, seu
libera. N. M.

Dices 3. Si nihil est peccatum ⁴¹
formale & mortale, quod non est
voluntarium & liberum, tunc nullum
dabitur peccatum ignorantiae,
& infirmitatis. 2. Neque dabitur
peccatum originale respectu nostri:
quod est Pelagianissimum introducere.
R. N. utramque sequelam. Peccata
ignorantiae dantur tunc, quando ipsa
ignorantia est voluntaria & libera, seu
quando vincibilis est, ut loquimur.
Peccata infirmitatis sunt, quando pas-
sio & tentatio est valde vehemens,
cui ceditur. Ceterum si passio præver-
rat rationem omnino, tollit libertatem
consensus, atque adeò formale pecca-
ti: si quis imperfèctè tantum advertit,
& semiplene tantum consentit, fit ve-
niale peccatum ex imperfectione actus.
Ad 2. Peccatum originale sicut nobis vo-
luntarium & liberum non quidem phy-
sicè, bene tamen moraliter propter
alligationem nostrarum voluntatum ad
voluntatem Adami, adeoque quilibet
etiam proprium habet peccatum ori-
ginale propter proprium consensum
morale.

Ob. 2. contra 2. assertionem. *Sipon-*
dia peccati mors. Rom. 6. *Anima,*
qua peccaverit, ipsa morietur. ibid.
*Qui offendit in uno, factus est omni-
um reus.* Jac. 2. *Qui solverit unum*
demandatis istis minimis, minimus (id
*est, nullas) vocabitur in Regno caelo-
rum.* Mat. 5. v. 19. *Maledictus*
*omnis, qui non permanerit in omni-
bus,*

bus, quae scripta sunt in libro Legis, ut faciat ea. Gal. 3. Ergo nullum peccatum ex se est veniale tantum, sed omnia merentur mortem ac poenam aeternam. R. 1. retorq. argum. & infero contra Adversarios: ergo etiam omnia peccata in renatis, & predestinatis, sunt peccata mortalia, & imputantur a Deo, quia textus isti nullam protus distinctionem faciunt inter delinquentes. R. 2.

In his textibus nomine peccati intelligitur peccatum ex natura sua mortale: quod semper fit, nisi ex circumstantijs aliud possit colligi, aut ex ipsis verbis, quando absolute in Scripturis fit mentio peccati, quia peccatum veniale est minus propriæ, & respectu mortiferi tantum imperfectè peccatum.

Circa ultimos duos textus specialiter noto; in priori non dici, qui violaverit, sed qui solverit, id est, falsa interpretatione corruerit mandatum aliquod, ut Pharisei solebant: quod utique peccatum mortale est. In posteriore refert & allegat Paulus verba Deut. 27. v. 26. ubi expressè additur Legis bujus; ibi autem referuntur præcepta tum moralia, tum ceremonia pro Judais, graviter obligantia, item gravissima sclera, quorum patratores utique sub maledicto sunt.

Dices 1. cum Lomero & Gerardo, qui iterum obtrudunt suam *avulsa*. Omne peccatum, dicunt, est *avulsa*, seu Legis violatio: ergo est dignum poenam aeternam; quia Lex rigidissime obligat. Confirmatur: eius poni fuit utique res levius, & insuper a nobis non physicè commissus, sed voluntate aliena, tantum moraliter nostræ; & ta-

R. P. Pichler Theol. Polensica.

men tam in nobis quam in Adamo gravissime fuit punitum, & in multis, qui sine Baptismo decedunt, puniatur aeternum: ergo ex rigore Legis defumenda est gravitas peccati, & ex magnitudine Iustitiae Divinae. R. 1. iterum retorq. argum. ergo etiam omnia peccata fidelium & renatorum sunt digna poena aeterna non minus quam aliorum; quia peccatum dicitur *avulsa* sine ullo respectu personarum delinquentium. R. 2. D. Ant. Omne peccatum est Legis violatio vel gravis vel levius C. semper gravis. N. Ant. Ad confirmationem. Eius poni fuit quidem absolute & in se res levius, non tamen sub peccato levi fuit prohibitus. Potest Deus ex justa causa rea levem prohibere sub peccato mortali, si velit. Quod autem defacto non prohibuerit omnem Legis violationem sub gravi peccato, patet ex nostris rationibus.

Dices 2. Lex est aeterna & immutabilis: ergo omnis ejus violatio mereatur poenam quoque aeternam & immutabilem. 2. Quodlibet peccatum est aversio ab ultimo fine, quia in quodlibet peccato intenditur aliquid creatum, & non Deus: ergo quodlibet peccatum ex se est mortale. 3. Quodlibet malum culpæ, quod est in quodlibet peccato, est majus quolibet malo poenæ: ergo pro quolibet peccato, etiam minimo, justè infligitur gravissima, & aeterna poena. R. 1. iterum retorq. quia haec aequaliter pugnant contra omnia peccata, a quibusunque commissa, renatis vel non-renatis &c. R. 2. ad 1. N. Cons. vel D.

III

ergo

ergo omnis violatio gravis meretur pœnam æternam. C. levis. N. vel: violatio Legis graviter obligantis. C. leviter obligantis. N. C. Sicut per hoc, quod Majestas obligans sit infinita, non obligamus infinitè, neq; peccatum propter ea redditur infinitum; ita nec pœna erit immutabilis & æterna, etiam si transmittatur, quod Lex sit immutabilis & æterna. Ad 2. In quolibet quidem peccato intenditur alius finis, quam DEUS, negativè & secundum quid; illa tamen actio, qua tanquam est leviter peccaminosa, non intendit aliquid creatum positivè, & tanquam finem suum simpliciter ultimum; quia venialiter peccans ita est affectus actu vel habitu, ut se & alias actiones suas referat ad DEUM, quem tanquam finem simpliciter ultimum non vult amittere per actionem leviter peccaminosum, utopea quam scit non prohiberi sub amissione ultimi finis. Ad 3. Quamvis culpa sit malum superioris ordinis quam pœna, tamen in suo ordine datur etiam culpa levis respectu culparum mortalis. Culpa autem levis exigit puniti pœnâ levi tantum. Si vero con-

tenderes, debere infligi pœnam in genere mali æqualem culpare, peccatum non posset puniri nisi alio peccato; quod absurdissimum est.

Dices 3. DEUS potest pro libitu disponere de sua creatura: ergo etiam pro peccato levi potest infligere pœnam gravem. 2. Quodlibet opus bonum ab homine justo factum meretur præmium æternum, & hoc DEUS justè tribuit: ergo etiam quodlibet opus malum justè punire potest pœnam æternam. R. Ad 1. D. C. potest infligere pœnam æternam pro levi peccato ut absolutus Dominus C. ut justus Judex N. C. ut justus Judex debet attendere proportionem inter culpam & pœnam: serè sicut judex humanus non potest furtum unius crucigeri plectere suspendiō. Ad 2. N. paritatem; quia non dedecet Misericordiam DEI promittere operi minimo maximum præmium, illudque, si fiat opus, tribuere: dedecet autem DEUM peccato levissimo decernere pœnam maximam; cum hoc injustum & crudele esset videatur.

§. II.

De Peccato Originali.

¶. SCIENDUM 1. per peccatum originalē intelligi illud, quod homines, ex Adamī stirpe per seminalem generationem descendentes, in ipsa conceptione contrahunt. Catholici te eo docent sequentia. 1. Omnia Ad posterorum voluntates (excepto Christo

stō, & juxta piani & veram sententiam etiam B. V. M A R I A) suis ex DEO alligatis voluntati Adamī eo pacto, ut si Adam, humani generis caput, perseveraret in iustitia originali, in qua creatus est, omnes posteri in ea nascerentur &c. si vero ipse peccando (per eum poni

pomi prohibiti) omnes pariter posteri peccarent in & cum Adamo, atque amitterent donum iustitiae originalis, aliaque dona gratuita, ac alijs insuper penas involverentur. Fuitque haec allegatio voluntatum omnibus antecedenter optabilis, quia praebebat longe maiorem spem persistendi in obedientia & iustitia, quam si quilibet per se permisus fuisset personaliter operari, & ccelum mereri, eò quod nullus tanta natura & gratia dona, quantis instrutus fuerat Adam, sperare potuisse. Proin 2. essentiam physicam peccati originalis consistere in ipso Adami peccato, moraliter in posteris perseverante, quæ moralis perseverantia consistit in negatione coadiuvante satisfactionis & condonationis. 3. Et hinc applicara per Baptismum condignam Christi satisfactionem peccatum originale vere tolli. Ante quem Baptismum cuilibet suum proprium originis peccatum inesse, nec præcisè imputari extrinsecè peccatum Adæ. 5. Effectus & penas peccati originalis esse 1. & principaliter privationem gratiæ sanctificantis & virtutum infusarum, in quibus consistebat iustitia originalis: unde omnes nascimur filii iræ Divinae. 2. Vulnus seu infirmitatem ipsius naturæ, quæ consistit in obscuratione intellectus, in proclivitate voluntatis ad malum (quavis permanens ejus libertas) in rebellione Concupiscentiæ, quæ dicitur sensualitas aut fomes peccati; nam ante lapsum ex dono gratuito Concupiscentia perfectè suberat rationi. Nihil igitur immutatum esse in ipsa natura & essentia hominis, aut aliquam qualitatem ei superadditam,

sed dona gratuita esse subtracta, & variæ ejus agravitudines, ac hujus vitæ miseras inde ortas.

Sc. 2. Lutheranos, nominatim Gerardum & Lomerum, de peccato Originali ita sentire. 1. Dari quidem peccatum originale, sed illud physicè consistere partim in privatione originalis iustitiae, ac illius rectitudinis, quam habebat homo ante lapsum in anima & corpore, quam rectitudinem dicunt fuisse illam *imaginem DEI*, ad quam homo sicut creaturæ partim in intima corruptione totius naturæ, quam dicunt esse qualitatem positivam cunctis hominibus partibus arctissime & intimè inhaerente per totam vitam, vi cujus ad omne bonum inceptus, ad omne malum pronus, & ira Divina obnoxius redditur, ita ut nihil sani, sive in anima sive in corpore, post lapsum in eo sit à summo vertice ad imum usque calcem, quam corruptionem seu morbidam qualitatem communiter vocant *concupiscentiam*; partim denique in reatu penæ, seu in obligatione ad penas tam eternas quam temporales. Nam docent 2. penas peccati originalis alias esse eternas, scilicet apud illos, qui non ex aqua & Spiritu S. ad vitam eternam renascuntur, alias esse temporales, ut sunt calamitates hujus vita, varios morbos, ac ipsam mortem corporis, alias verò simul esse penas & peccata, cujusmodi sunt prævi concupiscentia motus, cogitationes pravae, & quavis actualia peccata. 3. Per Baptismum remitti & tolli quidem peccarum originale, quatenus est damnable quid, & reum faciens hominem coram DEO, non tamen

R. P. Richter Theol. Polmica.

Iii. 3. quatuor.

quatenus est quædam vitiositas, inordinatio, qualitas morbida, pugnans cum Lege DEI, verbò, quatenus est Concupiscentia & corruptio nature, qua post Baptismum manet, licet per hunc ita mortificetur, ut non regnet; atque peccatum esse perseverat, licet renatis non imputetur. 4. Etiam Embryoni nondum animato jam inesse peccatum originale propter immundum sēmen parentum. Quod ego quidem capere non possum, quomodo peccatum Adami etiam in hī creature irrationali, quæ propter defectum animæ rationalis homo non est. Scilicet fundatur hic error crassissimus in alio, quo putant, Concupiscentiam carnis esse peccatum originale. Ex dictis

§3. Sc. 3. Duplicem præcipue nobis cum Lutheranis controversiam esse circa peccatum originale. 1. An illa morbida qualitas, qua inclinamus ad malum &c. seu Concupiscentia habitualiter in nobis existens per totam vitam (re ipsa non est morbida qualitas, sed vehementis passio appetitus lehbitivī, vel ipse appetitus sensitivus ut rationali contrarius) sit ipsum peccatum originale, saltēm partialiter; nam quid haec Concupiscentia, ut actualiter alicet ad peccatum, peccatum actualē non sit, jam vidimus supra. 2. An per Baptismum verē ac penitus tollatur peccatum originale, an verē solummodo regatur, hoc est, non amplius imputetur renatis, licet in se perseveret in quovis homine, & adhuc peccatum sit.

§4. Dicendum 1. Peccatum originale non consistit in Concupiscentia, ne partialiter quidem. Prob. I. Concupi-

scentia est effectus peccati originalis: ergo non est ipsum peccatum originale; nam causa & effectus necessariō distinguuntur realiter, aliā idem posset cauare seipsum. A. prob. quia Concupiscentia orta est ex peccato, & hac morbida qualitas, qualem eam sibi finiunt Lutherani, est indita homini in pœnam peccati originalis. 2. Nihil, quod est physicum quid & materiale, potest habere rationem peccati, utpotius quod essentialiter est aliquid morale & spirituale, scilicet actus voluntatis: sed morbida illa qualitas est materialis & physica juxta ipsos: ergo. 3. Concupiscentia etiam est in bestijs: sed in his utique peccatum non est: ergo. 4. DEUS est auctor & causa Concupiscentia, quia est auctor naturæ, naturæ autem humana debita est Concupiscentias arqui DEUS non potest esse auctor peccati: ergo Concupiscentia non potest esse peccatum. 5. Christus redemit nos ab omni peccato. 1. Jo. 1. v. 7. sed à Concupiscentia nos non redemit, ut patet ab experientia: ergo Concupiscentia peccatum non est, scilicet formale & propriè dictum. 6. Per Baptismum deletur peccatum originale totum: sed non tollitur Concupiscentia: siquidem.

Dicendum 2. Peccatum originale, ut & omnino tollitur per Baptismum, ita ut nihil peccati, & culpa remaneat, licet maneat adhuc reatus pœnae temporalis, vel pœnalitatum, Probarur. 1. ex Scriptura, in qua Christus dicitur *Agnus DEI, qui TOLLIT PECCATUM MUNDI.* Jo. 1. Ego sum, ait Dominus, qui DELEO INIQUITATES

TES TUAS. Isa. 43. **SICUT** per in-
obedientiam unius hominis peccatores
constituti sunt multi, ita & per unius
obedientiam iusti constituentur multi.
Rom. 5. sed per peccatum vere &
omnino fuit ablata iustitia, nec solùm
fuit recta: ergo & per Baptismum de-
bet iustitia eiu peccatum omnino tol-
li, non tantum regi. **Nihil damnatio-**
nis est his, qui sunt in Christo IESU.
Rom. 8. v. 1. Baptisimus vocatur lava-
crum regenerationis. Tit. 6. v. 5. in
quo lavamur, mundamur, sanctificam-
ur: **abluti estis, sanctificati estis.** 1.
Cor. 6. atqui esse mundatum, sanctifi-
catum, dicit fortes esse sublatas, non
rectas: iustitatem veram esse colla-
tam, non praesiso imputatam, sordibus
peccatorum adhuc relictis. Jam sub-
famo. Verba Scripturae juxta Gerar-
dum sunt accipienda in sensu proprio,
nisi evidenter probetur contrarium.
In prober Gerardus, vel alias Luthe-
ranus, evidenter contrarium, & qui-
dem ex sola Scriptura; nam aliud apud
ipso nullius est roboris.

Prob. 2. ex ratione pariter & ex
Scriptura. Deus non potest non odire
hominem, in quo est peccatum; ho-
mo enim, in quo peccatum est, vere
adhuc peccator est, sicut corpus, in
quo est anima rationalis, vere est ho-
mo: atqui peccatorem Deus necessariò
odit; **odio enim est Deo impius & im-**
pietas ejus. Sap. 14. nec potest pecca-
tum, ubi adest, non imputare. Quæso
quomodo possum non imputare illi le-
pram, in quo est lepra, quamvis vallo
recta? quomodo possum talēm reputa-
re pro mundo? Sic Deus quomodo po-

test non imputare peccatum, si adsit?
& talem hominem reputare pro justo?
nunquid ejusmodi iudicium est fal-
sum? Vel igitur Deus omnino tollit pec-
catum, vel illud imputat.

Notandum, hæc argumenta etiam
probare, quod peccata personalia, quan-
do homo per Penitentiam justificatur,
vere & omnino tollantur quoad cul-
pam, & non præcisè tegantur, seu non
imputentur. Quod specialiter adhuc
confirmatur. Si peccata non vere tol-
lantur in justificatione, tunc nunquam
tolluntur; consequenter immundi &
peccatis coquinari intribunt in Reg-
num celorum contra claram Scriptu-
ram Apoc. 12. arque DEUS inter ami-
cos & Beatos in celo habebit sordibus
peccatorum maculatos, lepra infectos,
diaboli charactere insignitos; quis hoc
credat?

Neque dicas, has fortes regi umbra-
culò meritorum Christi, & non impu-
tari: nam leprosus manet leprosus, &
in se turpis, etiam si pulchro ejus fortes
tegantur pallio. Longè aliter Paulus
sensit, dum scriptis ad Eph. 5. v. 26. **Ut**
Christus sanctificaret Ecclesiam, mun-
dans lavacro aquæ in verbo vite, ut exhiberet ipse sibi gloriosam, NON HA-
BENTEM maculam aut rugam &c.
Sequela autem probatur. Vel enim
tolluntur peccata in hac vita, vel in al-
tera? non in altera; quando enim &
quo medio id fieret? sensus præterea
fidelium semper fuit, extra statum via
non remitti peccatum grave, & illo in-
fectos damnari aeternum. Non in hac
vita, quia non aliud medium in hac
vita nobis datum est pro remissione pec-

carorum, quām Baptismus & P̄nitentia (juxta ipso fides) at per hæc non v̄t tolluntur peccata juxta Adversarios, sed solum teguntur: ergo.

§8. Ob. 1. Concupiscentia vocatur peccatum à S. Paulo sepius, & à S. Augustino: ergo est peccatum. R. vocatur peccatum impropiè tantum & etenim, quatenus orta est ex peccato rebelliō concupiscentiæ, & quatenus inclinat ad peccatum, & illius causa fit accedente consensu voluntatis: sicut virulus aureus propter similem rationem à Scriptura vocatur *peccatum* Deut. 9. v.

2. S. Augustinus non modò concupiscentiam non vocat peccatum, sed etiam negat, esse peccatum; dicit enim 1. contra duas epp. Pelag. c. 13, concupiscentia eriam⁹ vocetur peccatum, non utique quia peccatum est: sed quia peccato facta est, sic vocatur. Et sape clarissimè est pro nobis, in illo ipso loco, quē Gerardus citat contra nos, aperte distinguit inter peccatum, & concupiscentiam seu infirmitatem nostræ nature ex peccato ortam, scilicet trāct. 41. in Joan. ubi sic ait: *Nanquid quia deleta est iniquitas, nulla remansit infirmitas?* Si non remansisset, sine peccato viverem⁹, scilicet remoto fomite & stimulo peccati.

§9. Ob. 2. Beati, quorum remisſe sunt iniquitates, & quorum testa sunt peccata. dicit David Psal. 31. *Omnia peccata impij NON IMPUTABUNTUR*

ei. Ezech. 33. Deus erat in Christo, mundum reconcilians sibi, NON REPUTANS illis delicta ipsorum. 2. Cor. 5. ergo peccata non vere tolluntur, sed solummodo teguntur, non imputantur renatis & justificatis. R. N. C. Hujusmodi textus intelligendi lunt de vera absolutione & deletione peccatorum, quia Deo nihil potest esse rectum & occultatum, quod existit; & quod Deo dicitur tigi, tolli omnino, & non amplius existere censendum est. Idem dicendum de non-imputatione; ideo enim Deus non imputat peccata, quia non amplius existunt in justificatis, necessariò imputatur si existent, quia alias non judicaret, prout res est, & exigit. Audi S. Augustinum, quem suum esse volunt in hac re Adversarij. Is enarratione 2. in cit. Psal. 31. ait: *Cooperata sunt peccata, testa sunt, ABOLITA sunt.* Item: *Quorum testa sunt peccata: nec sic intelligatis: peccata cooperata sunt, quasi ibi sunt & vivant.* Dices. S. Aug. l. 1. de nupt. & concupis. c. 25. ait, *peccatum in Baptismo dimitti, non ut non sit, sed ut in peccatum non imputetur:* ergo. R. textum esse corruptum à Luthero & Melanchthonne, quia pro voce *concupiscentiam* posuerunt vocem *peccatum*. S. Doctor nihil vult aliud, quam concupiscentiam remanere post Baptismum, eam tamen in peccatum non imputari, quia peccatum in se non est, sed tantum effectus peccati.

ARTI-